



**В 9-ю пятницу по Пасце  
Празднование Пресвятѣй Владычице  
нашей Богородице в честь иконы Ея,  
нарицаемая «Табынская»**

**Тропарь, глас 4:**

**Н**аста днесь пресвѣтлый праздник, Пречистая Дѣво, / честныя Твоея Табынския иконы, Владычице, / яже паче лучей солнечных возсия, / от Источника приснотекущаго, Христа, Бога нашего, / источаеши целѣбныя дары / с верою к Тебѣ притекающим, / Тя бо Христос Помощницу людем Своим дарова, / покрывати и спасати от всякия беды рабы Своея, / едину Благословенную.

**Молитва**

**О** Пресвятая Владычице, Дѣво Богородице! Приими мольбы от нас, прилежно призывающих и молящихся Тебѣ, покажи скорое Твое заступленіе, покажи, яко можеша, яко Мати Бога, призываем Тя от сердца, со слезами припадающе пред Пречистым Твоим образом. О Божия Мати! Спаси нас и не даждь в расхищеніе супостатом, ниже да найдет на ны вся злая, яже грехи наша уготоваша нам, ниже беззаконія наша да превзйдут на главы наша. Виждь наша нестерпимыя печали, скорби, нужды, болѣзни, страсти; вооружися на ны лукаво враг, языком, якоже мечем, хотя нас погубити, но Твоею, Богородительнице, крепостию предвари. Уста челоуеков, яко львов лютых, гроба тягчайше отверзюшася, горько поглотиша ны; но Ты, Богородительнице, явися надежда ненадеющимся и низложи крепость их, да узрят врази и постыдятся, да разумѣют и видят Твою, еже по нам сопротив борющую силу, и в пропасть преисподнюю низложи их. Да заградится всяк язык, лукавым поучаяйся, да молчат уста лстывыя и уста, неправедно глаголющия на праведнаго без-

законие, гордынею и завистию враждебною вкупе. Призывающим Тя, Богородице, от души неложно во всякой скорби, и в болезнях различных, и в бедах лютых спешно услыши, Владычице, сих избавляющи присно молитвами Своими; душ спасение, веры сохранение, от греховных навыков избавление, мирную христианскую кончину и Царствия Небеснаго наследие даруй нам. Да имя Твое, Богородице, на земли славословится, Иже бо, из Тебе возсияв, грешником державную надежду и стену нерушимую Тя дарова во веки веков. **Аминь.**

### Ина молитва

**О** Пресвятая Владычице Богородице, Мати Господа нашего Иисуса Христа, непрестанная о нас пред Богом Молитвеннице и Ходатаице! О Мати наша Преблагая, всех нас при Кресте Сына Твоего усыновившая! Благодарим Тя, безчисленные блага молитвою Своею нам испросившая! Благодарим Тя, множество икон Твоих чудотворных стране нашей даровавшая! Благодарим Тя, дивную икону Табынскую в годину скорбей краю Уральскому пославшая! На камени велием икону Свою сию нам явившая, молим Тя: окамененные сердца наша росю молитв Твоих умягчи. Милость Свою нам показавшая у источника водного, идеже болезни наша телесныя исцеляются, даруй нам потоки скорбных слез и очисти ими тину грехов наших. У источника сланого иконою Твоею благоволение месту сему показавшая, помози нам слово Господа, Сына Твоего, исполнити и солию земли быти. Лик Свой темным, нам, грешным, омраченным грехом, явившая, просвети тьму нашу душевную, освяти пути жизни нашей и приведи нас к тихому пристанищу в вечныя обители, уготованныя Господом любящим Его. **Аминь.**

---